

ہندوستانی سرکار ولوں لوکان خِلافِ جنگِ پور تیز کرن دا اعلان

پردھان منتری منموہن سنگھ نے اپنے منتری-منڈل دے میمبراں اتے کئی مُکھ منتریاں نال ملاقات کرن بعد اعلان کیتا ہے کہ چھتیسگرھ اتے ہورناں علاقیاں وچ کبائلی لوکان دے گھول نوں کچلن لئی فوج، نیم فوج اتے پولیس دے ہور دستے بھیجے جائگے۔ اس کم وچ ہوائی فوج دی وی مدد لئی جاویگی۔ اس لئی فوج نے یوقاینقوۓ توں اپنے ہیلیکاپٹر واپس منگاؤن دی منگ کیتی ہے۔

اس ویلے ہندوستان دے ۲۷۵ ضلعیاں وچ کبائلی اتے پور دے کچلے لوک اپنے جل، جنگل، زمین اتے عزتاں دی راکھی لئی ہتھیاربند گھول چلا رہے ہن۔ ایہ لوک مجبور ہو کے ہی ہتھیاربند گھول تے اترے ہن۔ پچھلے ۶۳ سالوں وچ بہت سارے کبائلی لوکان دے جنگلاں، پائیاں، اتے زمیناں نوں ہندوستانی سرکار نے دیسی اتے ودیشی وڈیاں کمپنیاں دے حوالے کر دتا ہے اتے کبائلی لوکان نوں اوناں دے قدیمی جنگلاں اتے علاقیاں چوں کدھ کے بیگھر کر دتا ہے۔ اک جائزے مطابق ۱۹۴۷ دے بعد ہن تک انہاں جنگلی علاقیاں دے ۳ کروڑ توں وی زیادہ لوکان نوں سرکار نے اجاڑ دتا ہے۔ مجبور ہو کے لوک ہتھیاربند جدوجہد

دے راہ پئے ہن تے ہن انہاں علاقیاں وچ لوکاں نے
سرکاری ادارے ختم کر کے خود اپنے ادارے قائم کر لئے ہن۔
اونان نے اپنی جنتا سرکار بنا لئی ہے اتے اپنے مسئلے
آپ حل کرن لگ پئے ہن۔ ہندوستانی سرکار دے افسراں
نوں انہاں علاقیاں وچ وڑن دی اجازت نہیں اتے اوہ
انہاں علاقیاں وچ جان توں ہن ڈردے ہن۔

اتھے لوکاں نے اپنے سکول، ہسپتال، کچھریاں اتے ہور
لوڑبندا سیواواں دا بندوبست وی آپ کر لیا ہے۔ ہندوستانی
سرکار سکولاں دیاں عمارتاں اتے سڑکاں نوں اپنے فوجی اڈے
بناؤن لئی ورتدی ہے اس لئی لوکاں نے انہاں اداریاں
نوں ختم کر کے اپنے سارے ادارے نویں سرے توں بناؤنا شروع
کر لیا ہے۔ جنتک سرکار دی اگوائی وچ لوک ہن انہاں
علاقیاں وچ جنگل، زمین اتے جل نوں اپنیاں لوڑاں پوریاں
کرن لئی ورت رہے ہن۔ انہاں علاقیاں دی زمین ہیٹھ بہت
ہی زیادہ تاداد وچ کھنچ پدارتھ دے پئے ہن۔ ہندوستان
دیاں حاکم جماعتاں اتے وڈیاں دیسی تے ودیشی کمپنیاں
دی لالچی نظر اس قدرتی دولت نوں ہڑپن لئی ٹکی ہوئی
ہے تے اوہ نہیں چاہندے کہ اس کم وچ کوئی دیر جاں
اڑکا پوے۔ لوکاں دے جدوجہد کرن اتے اپنا راج آپ
چلاؤن دے راہ پین کر کے ہندوستان دیاں حاکم جماعتاں اتے

اونان دی سرکار بہت ہی غصے تے روہ وچ ہن۔ اونان
نوں عرباں کھریاں دی دولت اپنے ہتھوں گھسدی دکھ رہی
ہے۔ دسیا جاندا ہے کہ اس علاقے وچ صرف بوکسائیٹ ہی
تقریباً تین ٹرلین ڈالر دا ہے۔ حاکم جماعتاں پٹ رہیاں
ہن کہ ایہ کبائلی لوک اس دولت دی قدر نہیں جاندے اتے
ایہ ساری دولت ایویں زایا ہو رہی ہے۔

ہندوستانی سرکار دا داعوے کردی ہے کہ اوہ انہاں کبائلی
علاقیاں نوں ڈویلپ کرن لئی ہی ایہ سبھ گجھ کر رہی
ہے۔ پر ہورناں لوکاں وانگ کبائلی لوکاں نوں پچھلے ۶۳ سالان
دی اس ڈویلپمینٹ دا پورا گیان ہے۔ لوک جاندے ہن
کہ سرکاری ڈویلپمینٹ دے اس ماڈل نے انہاں ۶۳ سالان
وچ لوکاں دے سارے وسیلے امیراں دے حوالے کر دتے ہن
اتے لوکاں نوں ہر طریقے نال بیپت کیتا گیا ہے۔

ہندوستانی سرکار دے ڈویلپمینٹ دے اس ماڈل نوں رد
کر کے لوک ہن اپنے وسیلے اپنے ہتھ لے رہے ہن تے
آپنی قسمت دا فیصلہ آپ کرن لگ پئے ہن۔ حاکم جماعتاں
اتے اونان دی سرکار ایہ گل بالکل برداشت نہیں کر سکدے
کہ لوک آپنی منمرضی کرن لگ پین۔ آپنی مرضی نوں لوکاں
اتے ٹھوسن لئی ہی ہن اونان نے انہاں علاقیاں وچ

جبر آتے تشدد دا چکر تیز کر دتا ہے تے تہاں تہاں
تے لوکاں نوں گولیاں دا نشانہ بنایا جا رہیا ہے۔

منموہن سنگھ نے اعلان کیتا ہے کہ سرکار دی حکم ادولی
بالکل برداشت نہیں کیتی جاویگی آتے انہاں علاقیاں وچ
سرکار حکم ہر قیمت تے منوایا جاویگا۔ لوکاں آتے سرکار
دے اس حملے وچ امریکن سامراج وی شامل ہے۔ امریکن
آتے اسرائیلی ماہر ہندوستانی سرکار آتے فوج نوں صلاحیاں
دے رہے ہن۔

پر لوک اپنی جان، آن آتے وسیلیاں دی راکھی دی لڑائی
لڑن لئی فیصلہ کر چکے ہن۔ بے عزتی دی زندگی ہن لوکاں
نوں بالکل منزور نہیں۔ اوہ اپنے گھول پور وی تیز کر
رہے ہن تے سرکاری دہشت دی اٹ دا جواب پتھر نال
دے رہے ہن۔